

SECTIO III.

DE MODO QUO HUMANA NATURA VERBO UNITA EST.

CAPUT I.

DE ONTOLOGICA UNITATE CHRISTI DEI-HOMINIS.

THESIS XVI.

*De unitate Christi Dei et hominis ex doctrina  
Scripturarum.*

Ex Scripturarum doctrina manifesto constat, unum ac eundem Iesum Christum Deum esse et hominem, ut non aliud sit qui est Deus. Verbum, et aliud qui est homo; sed idem qui Deus est aeternus, nam Deus cooperit in tempore esse verus homo.»

Quod in hac thesi proponimus, non est nisi brevissima comprehensio et collectio in unam concretam enuntiationem eorum omnium, quae in antecedentibus per partes demonstrata sunt. Duplicem enim vidimus velut seriem veritatum in Scripturis revelatarum. a) Christus, qui in terris visus est et cum hominibus conversatus, nemine dubitante quin verus sit homo non minus quam alii sint homines, tum ipse tum per suos testes ac legatos revelavit se esse Dei Filius et verum Deum. Idem porro b) qui ex divina revelatione verus Deus demonstratus est, demonstratus etiam est verus homo tum rebus tum verbis, h. e. tum totius vitae manifestatioibus realibus a suo conceptu usque ad mortem et usque ad ascensionem in coelum, tum disserta doctrina. Non autem prima series propositionum de uno, altera de alio subiecto revelata est, sed utraque de uno eodemque Iesu Nazareno. Est ergo revelatum certissime, illum Deum Verbum esse verum hominem Iesum conceptionem et natum ex Virgine matre, conversatum cum Iudeis, passum, mortuum; et illum hominem Iesum ipsum esse aeternum Dei Filium, verum Deum, creatorem coeli et terrae. Vide thes. IV. - VIII.

Sunt quidem et Evangelia et Apostolorum reliqua documenta plena demonstrationibus huius, de qua dicere coepimus unitatis, ut vix umquam de Iesu Christo sit sermo, quin idem et verus homo praedicetur et verus Deus pro-

ponatur vel dissertis nominibus, vel descriptione attributorum eius atque operum, vel declaratione cultus ei debiti, et omnium gentium consecratione in eius obsequium. Quid enim agitur aliud sicut in tota revelatione christiana ita etiam nominativum in Scripturis N. T., quam ut omnes gentes credant illum hominem Iesum esse Filium Dei et verum Deum, et credentes subiciantur homini eidem tamquam vero Deo Redemptori, et in eius servitio ac amore vivant et moriantur et salvi sint? Quando igitur iam demonstratum est, Filium Dei esse verum Deum, manifestum plane est, hunc Filium ac Deum non esse alium quam illum ipsum, qui est homo Iesus Nazarenus. Nihilominus expendemus unum alterumve testimonium singillatim.

1°. «Verbum caro factum est » καὶ ὁ λόγος σαρξ ἐγένετο. Verbum est Deus aeternus in principio apud Deum Patrem et unigenitus Filius, qui est in sinu Patris (th. VIII.). Hie Deus Verbum dicitur in tempore factus esse caro, sive genus esse ita, ut per hanc nativitatem secundam ipse Deus Verbum cooperit esse caro; hoc enim evidenter verba evangelica enuntiant. Quid iam sibi vult vocabulum *caro*, quo terminus huius generationis exprimitur? Significat certo non carnem materiam tantummodo sed naturam humanam integrum, hancque per modum significandi concretum, ut alibi, quando ponitur in casu recto; subsistentem videbit significat in humana natura eo modo, quo nomen concretum *homo* (th. XI.). Lege s. Augustin. cont. serm. Arianor. c. 9. Deus Verbum igitur dicitur in tempore factus homo, sive in tempore natus ita, ut esset ille homo Iesus Christus, de quo Ioannes scripsit Evangelium. Unde continuo subicit Evangelista: hunc Deum Verbum factum hominem esse illum, cuius ipse cum reliquis Apostolis vidit gloriam ut unigeniti a Patre, qui venit ad Baptistam, et cuius mortalis vitae historiam deinceps describit. Verbum itaque Deus, unigenitus Filius manens Verbum Deus, factus est homo ita, ut verum sit: Deus est homo, et: hic homo est Deus; non ergo aliud est Deus et aliud hic homo, sed unus est simul Deus et homo. Ex his porro constat significatio verbi « factum est » ἐγένετο.

Includit enim hoc vocabulum ex sua primitiva significatione modum definitum aliquem, quo Verbum caro sive homo factum est, videlicet *nascendo* in tempore; Verbum in tempore genitum est, ex matre Virgine verus homo, ita ut terminus generationis sit ipsum *Verbum homo*. Quo eodem sensu dixit Paulus Rom. I. 3: « *evangelium Dei de Filio suo, qui factus est ei* (1) *ex semine David secundum carnem* » περὶ τοῦ οὐνόματος τὸν γένεσιν ἐκ σπερματος Δαυΐδ κατὰ σωρτα. Pariter Gal. IV. 4. Filius proprius Patris missus a Patre dicitur *factus ex muliere* (γεννηθεντος ἐκ γυναικος genitus ex muliere). Verbum autem nascitur hominem, non significat Verbum desinere esse Verbum, adeoque etiam non significat Verbum mutari in humanam naturam, nec humanam naturam mutari in Verbum, quae utraque propositio est ratione subiecti, quod Deus est, manifesto absurdia. Immo spectate enuntiatione etiam mere materialiter et grammatica nec in prima nec in altera hypothesi verum esset, Verbum nascitur hominem, quia in neutra hypothesi terminus nativitatis esset Verbum-homo. Pari modo si diceretur Verbum et hominem componi ac velut misceri in unam naturam, id quod nascetur, nec Verbum iam esset nec homo. Propositio igitur intelligi alio modo non potest, quam quod Verbum absque sui mutatione in generatione ex Virgine assumit et suam facit naturam humanam ita, ut manens Deus simul sit verus homo.

Quoad rem ipsam idem manet sensus, etiamsi vocem « *factum est* » accipias simpliciter et abstractione facta a modo, quo caro factum est *nascendo*. In creatio aliquis aliquid fieri vel factus esse dicitur tripliciter: a) qui incepit esse simpliciter, e. g. Titius factus est homo; quae locutione est inpropria. b) Fit aliiquid conversione substantiali, ut designat esse quod erat et incipiatur esse aliud, sicut aqua facta est vinum. Utroque hoc modo Verbum, quod erat in principio et erat Deus, non esse factum hominem evidenter constat. c) Factum dicitur aliud, quod sub-

(1) Pronomen *ei* deest in græcis Codd. et PP. et etiam in celebri latino Cod. Tolet. ac apud PP. aliquot latinos Tertull. Hilar. Ruf. Apud interpret. Iren. et August. lectio cum et sine hoc pronomine varia est.

stantialiter idem manens suscipit in se novam aliquam qualitatem aut saltem relationem. In priori hypothesi mutatio est accidentalis, ut si homo factus est sapiens; alterum potest esse sine interna mutatione, ut homo fit Praetor. Cum haec ultima ratione est aliqua similitudo, qua uti possimus ad declarationem, quod Verbum dicitur factum esse aliiquid absque sui mutatione (cf. S. Th. 3. q. 16. a. 6. ad 2.), quamvis dissimilitudo sit maior quam similitudo; quod enim factum esse in praedicato edicitur, non est aliiquid accidens sed substantia: Verbum factum est homo. Hoc autem verum non est, nisi Verbum naturam humanam ita suam fecerit, ut manens quod erat h. e. Deus immutabilis, verus coepit esse homo, quod non erat. De ratione, cur assumpta hoc modo natura mutatio nulla sit in Verbo, sed ea tota sistat in humana natura, dicemus opportuni loco. Interim constat, eo quod Verbum caro factum est, ipsum Deum Verbum esse hominem, et hunc hominem esse Deum Verbum. « *Cum enim omne, quod fit, vel ex non existente fiat, ut coelum antea non existens; vel ex praexistente mutetur, ut Nilus fluvius ex aqua mutatus est in sanguinem, haec autem ambo divinae naturae non congruant...* propterea genere locutionis utroque *factum est et accepit* (Phil. II. 7.) et immutable divinitatis et individuum rationem mysterii (τὸ ἀδιαφέτον τὸ ματητόν) divina Scriptura significans, et *factum est* dixit et iterum illud *accepit* enuntiavit, ut illo priore personæ unitatem (τὸ ἑνὸν τὸν προσώπου) ostenderet, hoc autem altero immutabilitatem naturae (divinae) declararet. Deus igitur Verbum factus est homo perfectus, sed ita ut prodigium intelligentiam superans immutabilem naturam non immunerit» s. Proclus ad Armen. ep. 2. n. 6. Galland. IX. p. 687.

2°. Cum loco itaque principe Io. I. 14, ut ontologica unitas subiecti, quod Deus-homo est, rite intelligatur, conferri debet monentibus ss. Patribus locus alter Phil. II. 6. 7., ubi Iesus Christus existens in forma Dei ita, ut sit aequalis Deo ac proinde Deus, dicitur accepisse formam servita, ut ipse existens aequalis Deo incepit esse in ea similitudine hominum et in eo habitu ut homo, in qua si-

militidine et in quo habitu se verum hominem Iesum Christum tota sua vita demonstravit (vide supra Sect. II). Unde ipse existens in forma Dei aequalis Deo se ipsum exinanivit non quidem substantiali formam Dei deponendo, quod evidenter absurdum est, sed manens in forma Dei accipiendo formam servi. Unus ergo idemque in forma Dei Deus est, et in forma servi homo est, quod non transmutatione unius naturae in alteram fieri potuit, sed solum tali assumptione humanae naturae, ut esset natura facta propria Dei (1).

3º. Eadem unitas subjecti declaratur, quoties Deus Verbum ea agere et pati dicitur, quae per naturam non nisi humanam praestari possunt; et vicissim de hoc homine Iesu enuntiantur attributa divina tamquam ei propria. His autem Scripturae plenae sunt. « Super omnia Deus benedictus in saecula est ex Israëlitis secundum carnem » Rom. IX. 5; « Dominus gloriae est crucifixus » 1. Cor. II. 8; « Ecclesia est acquisita sanguine Dei » (2) Act. XX. 28;

(1) Io.

In principio erat Verbum, et Verbum erat apud Deum et Deus erat Verbum.

Et Verbum

caro factum est et habitavit in nobis.

Et vidimus gloriam eius, gloriam quasi unigeniti a Patre, plenum gratiae et veritatis etc.

Phil.

Qui cum in forma Dei esset, non rapinam arbitratu esse se aequalem Deo;

sed semetipsum exinanivit formam servi accipiens, in similitudinem hominum factus et habitu inventus ut homo. Humilavit semetipsum etc.

Fropter quod et Deus exaltavit illum et dedit illi nomen, quod est super omne nomen; ut in nomine Iesu omne genu flectatur, coelestium etc. et omnis lingua confiteatur, quia Dominus Iesus Christus in gloria est Dei Patris ὁ Χριστός. I. X. sic δοξάζουσα πατέρας.

(2) « In quo vos Spiritus Sanctus posuit regere Ecclesiam Dei, quam acquisivit sanguine suo. » Την ιχλαγενα του θεου λαβεν Codd. plurimi inter quos B. (Vaticanus), versiones plures orientales, PP. plerique graeci et latini. Alia lectio est ρωμαιον xxii θεου, quae in idem reedit,

« auctorem vitas Iudei interfecerunt » Act. III. 15; « vita, vita aeterna quae erat apud Patrem, apparuit, Apostoli eam viderunt oculis suis, et contrectaverunt manibus suis » 1. Io. I. 1. 2. Viciissim « Filius hominis descendit de caelo, qui est in caelo » Io. III. 13; quinquaginta annos nondum habens ipse idem affirmat de se : « antequam Abraham fieret, ego sum » Io. VIII. 58; Filius in quo Pater locutus est novissime diebus istis, quem constituit heredem universorum, est ipse, per quem fecit et saecula; qui purgationem fecit peccatorum, est ipse splendor gloriae et figura substantiae eius, portans omnia verbo virtutis sue; primogenitus qui inducitur in orbem terrarum, est ipse de quo scriptum est : « adorate eum omnes Angeli Dei, et: in principio tu Domine terram fundasti » Heb. I. 2. 3. 6. 10.

Ad hanc luculentissimam Scripturarum doctrinam Patries appellant in suis definitionibus de ontologica Christi unitate adversus haeresim Nestorii eique oppositam Eutychetis. Cyrus in epistola celebri anathematismorum, quae postea dicta est symbolum Concilii Ephesini: « haec, inquit n. 23, ita sentire edocit sumus a ss. Apostolis et Evangelistis et ab universa divinitus inspirata Scriptura atque ex veraci beatorum Patrum confessione » (cf. apolog. anathem. I. cont. oriental.). Pariter Concil. Chalcedonense concludit fideli definitionem adversus Eutychem Action. V. hac formula: ita se de una Christi persona in duabus naturis impermixtis et indivulsiis definitivisse, « sicut ante prophetae de eo et ipse nos Iesus Christus erudit et Patrum (Nicaenorum) symbolum tradidit. »

alia ρωμαιον. Lectionem Χριστόν, quae fere apud Nestorianos repertur, Concilium anno 1599 apud Indos celebratum ait, ab his haereticis instigante diabolo inventam esse.

## THESIS XVII.

*De eadem unitate Dei hominis ex symbolis fidei.*

\* Fidei symbola demonstrant, publicam et universalem inde ab Apostolis Ecclesiae fuisse professionem, qua credebat in Iesum Christum unum unitatem subiecti ita, ut ipse unigenitus Dei Filius ac Deus sit verus homo, et hic homo Iesus Christus ipso sit unigenitus Deus. Unde merito Patres et Concilii quinti saeculi haereses vel dissidentes unitatem distinctione duplicitis hypostasis Dei et hominis in Christo, vel perimenti differentiam confusionem utriusque naturae, iam sollemnissime fidei praedamnatas, et vetusta symbola non additione aliqua sed fidei solum custoditione contra novas has haereses indigere indicabant.

1. Non hic queritur, quid in symbolis professione « Filii Dei Domini nostri » doctores ac fideles omnes intellexerint, Intellexisse enim naturalem, aeternum Dei Filium, unum cum Patre Deum, supponimus ex demonstratis superiorius (Sect. I), et constat ex declarationibus omnium Patronum, quoties symbolum explicant, ut Irenaei, Tertulliani, Gregorii Thaumaturgi, tum Cyrilli Hieros., Ambrosii, Gundentii, Augustini, Rufini, Leonis M. Hoe supposito nunc solum consideramus unitatem subiecti, quod Filius Dei sicut Deus, ita unus idemque est homo Iesus.

In symbolis omnibus etiam antiquissimis et sine ullo dubio originis apostolicae in omnibus Ecclesiis orientis et occidentis fides exprimitur: « in Deum Patrem et in Iesum Christum Filium eius unicum; » in formulis vero orientalibus etiam cum additione expressa unitatis Christi: « in unum Deum Patrem... et in unum Iesum Christum (vel in unum Dominum I. C.) Filium unigenitum » (1). Ratio-

[1] Rufinus comment. in symbol. n. 4: « Credo in Deo Patre omnipotente. Orientales Ecclesias omnes paene ita tradunt: credo in uno Deo Patre omnipotente. Et rursum in sequente sermone, ubi nos dicimus: et in Christo Iesu unico Filio eius Domino nostro; illi tradunt: et in uno Domino nostro Iesu Christe unico Filio eius » cf. Vigilium Taps. contra Eutych. l. IV. c. 1. Sane εἰς ἵνα κατέχειν I. X. est in symbolo relato in Liturgia Hierosolym. dicta Iacobii; in formula Alexandri Alex. ep. ad Alexandrum CP.; in illa Eusebii Caesar. (apud Athan. decret. Nic. synod. T. I. p.238, apud Theodoret. H. E. l. I. c. 12); in illa Luciani mar-

nem huius diversitatis explicat Rufinus (comment. in symb. n. 3.), ad distinctiorem scilicet expressionem communis fidei contra haereticos adiectione opus fuisse. « Commonendum puto, quod in diversis Ecclesiis aliquae in his verbis inventiuntur adiecta. In Ecclesia tamen urbis Romae id non reprehenditur factum, quod ego propterea esse arbitror, quod neque haeresis ulla illuc sumpsit exordium..... In ceteris autem locis, quantum intelligi datur, propter nomina haereticos addita quaedam videntur, per quae novellae doctrinae sensus crederetur excludi. » Iam vero haereses, ad quas excludendas inducta est ab orientalibus explicita professio « in unum Iesum Christum », non aliae erant nisi quae « solventes Iesum » iam inde a Cerintho negabant, hunc hominem Iesum esse ipsum unigenitum Dei Filium et Verbum; atque alium inducebant Iesum hominem et alium unigenitum Filium vel Christum de supernis descendentem et in homine habitantem. Sensus igitur huius professionis est, ut exprimatur talis unitas, qua ipse hic Iesus homo creditur unigenitus Deus. Hoc sensu formulam intellectam fuisse luculentius adhuc appetat ex eo, quod Catholicci deinceps exprobabant Nestorianis, induci contra symboli professionem pro Trinitate quaternitatem, dum non in unum Iesum Christum Filium unigenitum, sed in duos creditur alterum Filium Dei naturalem, alterum hominem partipem filiationis propter Filium coniunctum. Episcopi Africae (Augustinus cum aliis) in epistola<sup>1</sup>, cum qua Leporini, postquam suum Nestorianum geminum errorum ciuaverat, remittant ad Episcopos Galliae: « de unigenito Filio Dei, inquit n. 2, non recta quaedam sapiebat, negans Deum hominem factum, nec videns, quartam se subintroducere in Trinitate personam, quod a sanitate symboli catholicaeque veritatis prorsus alienum est. » Le-

tyris (apud Athan. de synodis n. 23); in illa Cyrilli Hieros. et Macarii Cyrilli predecessoris (apud Gelas. Cyzic. comment. Actio. Conc. Nic. Mansi T. II. p. 874); in illi que exstat apud Epiphian. Ancorat. T. II. p. 122; in symbolo Nicaeno etc. Confer δὲ ἵνα Χριστὸν Ἰησοῦν apud Iren. l. I. c. 10. n. 1; ἵνα Χριστὸν Ἰησοῦν in confessione Presbyterorum Smyrnæ cont. Noët. (apud Epiphian. haeres. 57. T. I. p. 480).

porius ipse in « libello emendationis » n. 5. suam cæcitatem priorem ita accusat: « si ergo ita hominem cum Deo natum esse dicamus , ut seorsum , quae Dei sunt , soli Deo demus , et seorsum , quae sunt hominis , soli homini reputemus (cf. anathem. IV. Cyrilli paulo post haec editum) , quartam manifestissime inducimus in Trinitate personam , et de uno Filio Dei non unum sed facere incipimus duos Christos , quod a nobis ipse iam Dominus et Deus Christus avertat » In Opp. Marii Mercatoris ed. Garnerii P. I. p. 225. 229.

Idem apparet ex modo, quo respondebant Catholicoi monophysitis obiciens quaternitatem invehi in divinis, nisi unus credatur Iesus Christus ita, ut una etiam sit eius natura. Responsio videlicet erat, credendum esse Christum utique unum, ne in quaternitatem credere videamur; sed unus et eundem Deum Filium incarnatum et Deum esse et hominem, non aliud Deum et alium hominem; unde non esse quaternitatis professionem in symbolo sed Trinitatis, qua personae unus Pater et unus Filius et unus Spiritus Sanctus non autem naturae numerantur. Crevit per nativitatem carnis in Christo numerus substantiarum, singularitas vero personarum perseveravit. Idcirco quamvis alia sit natura divinitatis alia humanitatis, non fit Trinitas illa quaternitas, quia personarum est Trinitas, quae in Christo una permanit. Unus est proinde Christus et semper unus propter unius personarum singularitatem » Ferrand. diacon. ep. ad Anatol. n. 10. Galland. XI. p. 350. (Vide PP. apud Petav. I. V. c. 10.). Hue etiam pertinet formula: « unus de Trinitate passus est, » de qua alibi dicetur.

Verum etiamsi expressa mentio *unius* non addatur, sensus est plane idem, ut recte animadvertis Vigilius Tapsensis l. c. adversus Eutychianos calumniam inferentes s. Leoni Pontifici: « cur non dixerit, in unum Deum Patrem et in unum Iesum Christum Filium eius; » quasi vero Pontifici illa particula omissa unitatem Iesu Christi Filii Dei aut negasset aut non satis declarasset. At enim unitas, de qua agimus, multo etiam evidenter demonstratur ex praedicatis, quae uni et eidem tribuuntur. Filius Dei unigeni-

tus, in quem credimus unum cum Patre Deum, declaratur is esse, qui natus est ex Maria Virgine, qui passus, crucifixus, mortuus est etc. Relativum *qui* in formulis latinis evidenter refert omnia haec praedicata ad Filium Dei unigenitum. In formulis græcis res est aequa manifesta; enuntiantur enim praedicata in participiis: credo in Filium Dei unigenitum, natum... passum... mortuum etc. (1). Cum ergo certo constet, in symbolo enuntiari fidem in Trinitatem, Deum Patrem, Deum Filium, Deum Spiritum Sanctum; ipse Deus Filius unus de Trinitate non autem aliud Filius praedicitur natus ex Maria Virgine, passus et mortuus. Haec vero praedicata evidenter hominem demonstrant, ergo confitemur ipsum Deum Filium, quem unum Deum cum Patre et Spíitu Sancto profitemur, esse hominem, non vero aliud Deum et aliud hominem.

II. Hoc quo diximus sensu, symbolum semper intellectum est. Unde haereses omnes contra veram Dei hominis unitatem exortas ipsa omnium fidelium publica professione iam praedamnatas esse, Patres indicarunt. Synodus Ephesina Act. VI. coll. Act. I. decernens « non esse fidem alteram conscribendam » praeter editam a Patribus Nicaenis, eo ipso indicavit Nicaeno symbolo, dummodo iuxta ss. Patrum sensum intelligatur, Nestorium esse damnatum. Act. I. Ephesi lecta est et approbata epistola 2<sup>a</sup> Cyrilli contra Nestorium, quia inventa est « consentiens fidei Nicaenae »; pariterque doctrina Nestorii examine praemissa damnata, « quod a sanctorum 318 Patrum fide dissentiret. » Concilium etiam Calcedonense plenissimam mysterii totius declarationem a se definitam esse ait, « prout eam Patrum symbolum tradidit »

(1) Symbolum Hierosolym. in catechesibus Cyrilli: πατέσουσεν... καὶ οὐτι ἵνα κυρίον Ι.Χ. τὸν μὲν τοῦ θεοῦ τὸν μονογενόν, τὸν ἄλλο τοῦ πατρὸς γεννηθέντα, θεον ἀληθινὸν πρὸ πάντων τῶν θεῶν, οὗ οὐ τὰ πάντα εἶμεν, συγκαθεῖντα καὶ εὐαρρόποτεν, συχρόνεται καὶ ταύτην κ. λ. Eisdem formæ sunt reliqua græca. Inter Latinos habet participia Tertull. de velandis virgin. c.1: « Filium eius I. C. natum ex Virgine Maria, crucifixum... resuscitatum a mortuis » etc. Item in Sacramentario Gelasii (edito a B. Thomasio, Martenio, Muratorio): « in I. C. Filium eius unicum D. N. natum et passum. »

Act. V. Cone. Mansi T. VII. p. 111. 115. Patres itaque Ephesini et Chalcedonenses, ut in Concilio V. testatur professio fidei Iustiniani, « per omnia sectuti s. symbolum Nicaenum sive mathema fidei, condemnaverunt praedictos haereticos » (Nestorium et Eutychem) Mansi T. IX. p. 557. Eodem modo in Concilio VI. Act. VIII. T. XI. p. 635. aiunt Patres congregati contra monotheletas: « sufficiebat quidem ad perfectam orthodoxae fidei cognitionem et confirmationem hoc (Nicaenum) plium et orthodoxum symbolum. »

Similiter Patres singuli ex ipsis verbis symboli haereses condemnarunt, e. g. Apollinaristarum Athanasius (ep. ad Epictet. n. 4; cont. Apollin. I. I. n. 2), Nestorii Cyrillus, qui ipsum Nicenum symbolum saepissime praestruit, ex quo suam haeresis confutationem ducit (ep. ad monach. n. 6; ad reginas I. I. n. 3; epist. 3. synodica cum anathematismis etc.). Ita Cassianus (de Incarn. I. VI. c. 3) confutat Nestorium ex « fide Antiocheni symboli, in qua ipse (Nestorius) baptizatus erat ac renatus; » ita s. Leo (ep. ad Flavian.) arguit Eutychem: « quod per totum mundum omnium regenerandorum vocem depromit, istius adhuc sensis corde non capitur.... Illam saltem communem et indiscretam confessionem sollicito recepisset auditu, qua fidelium universitas proficitur, credere s. in Deum Patrem omnipotentem, et in Iesum Christum Filium eius unicum D. N., qui natus est de Spiritu Sancto et Maria Virgine, quibus tribus sententis omnium fere haereticorum machinae (contra Deum, contra personarum Trinitatem, contra incarnationem) destruuntur.

Insuper iam ante annum 374. (1), vel certe diu ante Nestoriana tempora, ut ex Epiphanio discimus (Ancorat. n. 121. T. II. p. 123), ab Episcopis orientis catechumenis symbolum proponebatur cum distinctiore adhuc professione: « credimus..... in unum Dominum Iesum Christum Filium Dei genitum ex Deo Patre, unigenitum, hoc est ex substantia Patris... illum qui propter nos homines et propter nostram salutem descendit et incarnatus est (τον... κατελθοντα

(1) Vide de hac temporis definitione Petav. Incarn. I. XII. c. 18. n. 10. et Hahn in Bibliotheca symbolorum p. 57. Cf. Tract. nostrum de Trin. th. XXXVIII.

και σαρκωθεντα), hoc est perfecte genitus ex Maria semper Virgine per Spiritum Sanctum; inhumanatus est, hoc est assumpsit perfectum hominem, animam et corpus et mentem et omnia, quidquid est homo, absque peccato, non ex semine viri; neque in homine (alio) sed in seipsum carnem adformavit in unam sanctam unitatem, non sicut in prophetis inspiravit et locutus et operatus est, sed perficte inhumanatus; Verbum enim caro factum est, non conversione subiens aut transmutans suam divinitatem in humanitatem; uniens (carnem) in unam sanctam suam perfectionem et deitatem (I); unus est enim Dominus Iesus Christus et non duo, idem Dominus, idem Deus, idem Rex; passum autem (credimus) hunc eundem in carne, et suscitatum » etc.

#### THESES XVIII.

De eadem unitate Dei hominis ex « regulâ fidei » penes

Patres vetustissimos et ex responsionibus

Christianorum adversus calumnias gentilium.

\* Fidem in unum Iesum Christum Deum et hominem, quae V<sup>o</sup> saeculo  
adversus Nestorianos operiosus vindicata est, primis tribus saeculis  
eandem communem apud omnes fidèles viguisse, demonstratur ex ve-  
tustissimorum Patrum monumentis, qui in universali credendi normam  
et certam regulam in catholica et apostolica Ecclesia custoditam ad-  
versus haereticos declarandam tuendamque suscepserunt; eandemque  
demonstrant tum martyrum confessiones coram tyrannis editas tum  
ipsae infidelium adversus doctrinam christianam calumnias. \*

Initium facimus a s. Irenaeo. Is sicut cetera christiana doctrinae capita ita et mysterium incarnationis in suis libris declarat secundum « regulam fidei » adversus

(1) Loens hic est eximus sed paulo difficerit: οὐλί εἰς έιστον πάρα ἀναλλοπίντη εἰς μάτι ἄγραν ένστοτα... τέλοις ινανθρωπόντα, ο γαρ λόγος πορφύρη, οδόν τρόπου έποστας, οὐδὲ μετάβαλον την έιστον θεοτητα εἰς ἀνθρωπότητα, εἰς μάτι ανανθρώπα έιστον ἄγραν τέλοντα τε καὶ θεοτητα. Nisi totus fallor, τέλοτης h. 1. est id, quod Rusticus diaconus (contra Aec-  
phalos Galland. XII. p. 69) appellat *totietatem* i. e. rationem totius  
in se consistentis, quae ut videbimus, est propria ratio hypostases.  
Dicitur ergo in symbolo: Filius Dei carnem seu humanitatem univit  
in unam suam totietatem et deitatem \*, quae deitas hic non signifi-  
catur porro modum naturae communis, sed quatenus est Filius; hoc autem  
modo est ipsa hypostasis. De his inferius.

sectas Gnosticorum, « quorum secundum nullam sententiam Verbum caro factum est. » Fundamenti instar praemittit toti haereticorum confutationi symbolum fidei, « quam ab Apostolis eorumque discipulis acceptam Ecclesia per universum orbem usque ad extremos fines terrae disseminata custodit. » Fides autem ea quod articulum, de quo agimus, est « in unum Iesum Christum Filium Dei incarnatum pro nostra salute » etc. l. I. c. 10. al. 2. Repetit iterum hoc symbolum l. III. c. 4, « cui assentient multae gentes... veterem traditionem diligenter custodientes; in unum Deum credentes fabricatorem coeli et terrae.... per Christum Iesum Dei Filium, qui propter eminentissimum erga figuratum suum dilectionem, eam quae esset ex Virgine generationem sustinuit, ipse per se hominem adunans Deo, et passus sub Pontio Pilato » etc.

Iam vero in ipsa sua explicatione et defensione doctrinae et traditionis omnium Ecclesiarum Irenaeus demonstrat, Verbum et Unigenitum esse ipsum verum Deum eiusdem cum Patre substantiae l. I. c. 22. n. 1; l. II. c. 13; c. 17. n. 7; c. 30. n. 9; l. III. c. 6. n. 1; c. 8. n. 3; l. IV. c. 2. n. 1; c. 7. n. 4. etc., quod fundamentum in quaestione de modo, quo Christus *unus* est, nunc a nobis supponitur (vide Sect. I.).

Porro de unitate Verbi sive Unigeniti et hominis Iesu haec docet Irenaeus et ex Scripturis defendit. a) *Unum idemque subiectum est Deus et homo*. Iesus non est « receptaculum Christi; » nec solum, ut haeretici dicunt, Salvator aut Christus de superioribus descendit in Iesum hominem, sed ipse hic homo Iesus est Verbum et Unigenitus et Christus et Salvator. « Discite igitur insensati, inquit, quoniam Iesus qui passus est pro nobis, qui habitavit in nobis, idem ipse est Verbum Dei; » « unus et idem ostenditur Verbum et Unigenitus et Vita et Lux et Salvator et Christus et Filius Dei et hic idem incarnatus pro nobis; » adeoque « Filius Altissimi hic idem est Filius David; » « infans, quem Simeon in manibus portabat, Iesus natus ex Maria ipse est Christus Filius Dei, lumen hominum » l. III. c. 16. n. 1-3; l. I. c. 9. n. 3. Haeretici vero etsi lingua quidem confitentur unum Iesum Christum, semet-

ipsos derident aliud sentientes, aliud vero dicentes; quoniam alterum quidem passum et natum, alterum vero ab invisibilibus descendisse, et impassibilem esse confirmant errantes a veritate... nescientes, quoniam Verbum Unigenitus unitus et conspersus suo plasmati secundum placitum Patris, et caro factus ipse est Jesus Christus D. N., qui passus est pro nobis.... Si enim alter quidem passus est, alter autem impassibilis mansit, et alter quidem natus est, alter vero in eum qui natus est, descendit et rursus reliquit eum, non unus sed duo mostrantur... unus autem eum, et qui natus est et qui passus est, Christum Iesum novit Apostolus.... ipse est Verbum Dei, ipse Unigenitus a Patre, Christus Iesus Dominus noster (al. Deus noster) » l. III. c. 16. n. 6. 9.

b) Proinde *Deus est homo, et factus homo est Deus*. Haec propositio totidem verbis enuntiatur ab Irenaeo l. IV. c. 33. n. 11. Ex prophetis, inquit, demonstratur, « quoniam Verbum caro erit, *Filius Dei Filius hominis...* et hoc *factus quod et nos, Deus fortis* est et inenarrabile habet genus. »

c) Ergo unius et eiusdem vere sunt propria tum divina ex aeterna absolute necessaria perfectione tum humana ex voluntaria assumptione, et utraque de uno et eodem vere et proprie praedicantur. « Invisibilis visibilis factus, et incomprehensibilis factus comprehensibilis, et impassibilis passibilis, et Verbum homo, universo in semetipsum recapitulans, uti sicut in supercoelestibus et spiritualibus et invisibilibus principest Verbum Dei, sic et in visibilibus et corporalibus principatum habeat, » l. III. c. 16. n. 6. Non nominatim est *duplex generatio Filii Dei*, una aeterna ex Patris substantia qua Deus est, altera in tempore ex substantia matris qua homo est. « Quoniam praeclarum praeter omnes habuit in se eam, quae est ab altissimo Patre, genitaram, praeclarare autem functus est et ea, quae est ex Virgine, generatione; utraque Scripturae divinae de eo testificantur: et quoniam homo indecorus et passibilis et super pullum asiniae sedens, aceto et felle potatur... et quoniam Dominus sanctus, et mirabilis consiliarius, et decorus specie, et Deus fortis » l. III. c. 19. n. 2. cf. c. 4. n. 2. « *Incarnatio enim est pura generatio Verbi Dei* » (την σαρκωσιν καθαρας;

Τεννησας του λογου του Θεου 1.III. c.19. n.1.3;c.20. n.4;1.IV.  
c. 9. n. 2; l. V. c. 19. n. 1. Pariter ipsum *Verbum passum et  
mortuum est* in carne sua, et suo nos sanguine redemit. Gen-  
tibus annuntiatum est ab Apostolis, inquit, « esse unum  
Deum... et huius Verbum naturaliter invisibilis (sic inter-  
pres vertit graeca' λογος σορετος) palpabilem et visibilem in  
hominibus factum usque ad mortem descendisse» l.IV.c. 24.  
n. 2; «Verbum Dei (in cruce) per divinam extensionem ma-  
nuum (I), ut quidam e senioribus (Papias?) dixit, congre-  
gavit duos populos ad unum Deum » l. V. c. 17. n. 4; « Ver-  
bum Dei, quod nobis dixit, diligite inimicos vestros, ipse  
hoc fecit in cruce » l. III. c. 18. n. 5; « Verbum Dei suo  
sanguine nos redemit, et in Eucharistia calicem suum sangu-  
inem, panem suum corpus confirmavit» (τουρι ων, αιχν  
τον) l.V. c. 2. n. 2. Nescio iam, quid in haec expositione et de-  
claratione fidei II saeculi de unitate subiecti, quod Deus-  
homo est, amplius desiderari possit, ut ea capita omnia  
comprehendat, quae saeculo V. Cyrillus et cum Cyrillo  
Ecclesiae universa adversus Nestorianam novitatem vindici-  
cavit, nisi forte ipsa expressio et ipsum vocabulum *unionis*  
secundum *hypostasin*.

d) At expressa est unio hypostatica clarissime quoad rem  
ipsam, immo et ipsum vocabulum non deest. Sic l. III. c. 16.  
n. 6. probans ex Evangelio et epistolis Ioannis, unum et eun-  
dem Iesum Christum esse Filium Dei et verum hominem,  
hoc ipso damnari, ait, « blasphemas regulas, quae dividunt  
Dominum, quantum ex ipsis attinet, ex altera et altera  
substantia dicentes eum factum. » Hic *substantia* est sine  
dubio pro graeco vocabulo ὑπόστασις; nomine enim hoc *sub-  
stantiae* intelligi hypostasin est evidens ex contextu, et ex  
eo quod Irenaeus sans alteram et alteram agnoverat in Christo  
substantiam, si hoc nomine designatur natura et essentia  
cf. l. V. c. 2. n. 2; c. 14. n. 1-3. Blasphemum ergo dicit Ire-  
naeus duas in Christo statuere substantias per se subsi-

(1) Cf. s. Athanas. ep. ad Adelph. n.7. T. I. P. II. p. 916: Χαρα γουν  
σωματικην έκτινας ο λογος ήγειρα τη πορειονον... και πάλιν της χειρας  
έκτινας επι του στυρου του μεν δημορφι της ξένωνας του ζερον.... κατε-  
ξιας, Lib. VI. sybillino v. 26: ον ηγειρον οι μακαριστον, ιφι φ θεος Ημετων.

stentes seu hypostases; ac proinde unam affirmat hyposta-  
sin divinae et humanae assumptae naturae in Christo, quae  
est ipsa formula a Cyrillo et ceteris deinceps Patribus et  
Concilii contra divisionem Nestorii consecrata. Cf. l. III.  
c. 21. n. 4. Sed de hac ecclesiastica formula et de hoc modo  
enuntiandi et explicandi unitatem Christi ontologicam, quo-  
modo apud SS. PP. se habeat, inferius dicemus.

Gemina plane superioribus praesto essent ex Tertulliano,  
si limites praefixa permitterent. Universalis et aposto-  
licae fidei regulam praestruit suis demonstrationibus de  
Praescript. c. 13; cont. Prax. o.2; de veland. virgin. c. 1. Iam  
ipso modo, quo symbolum enuntiat, evidentius vero decla-  
rationibus veritatum, quae in eo comprehenduntur, demon-  
strat aequae ac Irenaeus omnium fidelium II<sup>o</sup> et ineuntis  
III<sup>o</sup> saeculi professionem eiusdem unitatis Christi Dei-ho-  
minis, de qua nunc agimus.

Inspiciatur regula ipsa, « quae ab initio Evangelii de-  
cucurrit » (cont. Prax. 2), « quae a Christo instituta nullas  
habet apud nos quaestiones, nisi quas haereses inferunt,  
et quas haereticos faciunt » (Praescript. 13). « Regula est  
autem fidei... qua creditur, unum omnino Deum esse... qui  
omnia produxit per Verbum suum.... id Verbum, Filium eius  
appellatum, in nomine Dei varie visum patriarchis.... po-  
strestro delatum ex Spiritu Patris Dei et virtute in Virgi-  
nem Mariam factum in utero eius, et ex ea natum  
egisse (h. e. sese exhibuisse, fuisse) Iesum Christum, exinde  
praedicasse... fixum cruci, tertia die resurrexisse » (Prae-  
script. 1. c.). Hic vides praedicta omnia humana pertinere  
ad ipsum Verbum. Ita pariter cont. Prax. l. c.: « Unicum  
quidem Deum credimus sub hac tamen dispensatione, quam  
oeconomiam dicimus, ut unici Dei sit et Filius Sermo  
(ο λογος) ipsis, per quem omnia facta sunt et sine quo  
factum est nihil. Hunc missum a Patre in Virginem, et ex  
ea natum hominem et Deum, Filium hominis et Filium Dei,  
et cognominatum Iesum Christum, hunc passum, hunc mor-  
tuum. » Adverte illa praedicta « hominem et Deum » cum re-  
liquis referri ad subiectum « hunc; » scilicet Verbum sive  
Sermo ex Virgine natus est homo et Deus etc. Tertulliani

declarations vide cont. Prax. cc. 15, 16, 27, 29. Praesertim legatur disputatio praelata c. 27, cuius conclusio est: « vi- demus duplicem statum non confusum sed coniunctum in una persona (1) Deum et hominem. »

Origenes in proemio ad libros de Principiis exhibit compendium catholicae doctrinae, quo continetur a certa linea et manifesta regula et ecclesiastica praedicatio per successionis ordinem ab Apostolis tradita et usque ad praesens in Ecclesiis permanens (cf. Irenaeum et Tertull.). Inter veritates autem, quae sunt in manifesta et omnibus cognita praedicatione, post articulum deo Patre hunc ponit: « tunc deinde, quia Jesus Christus ipse qui venit, ante omnem creaturam natus ex Patre est, qui cum in omnium conditione Patri ministrasset, per ipsum enim omnia facta sunt, novissimis temporibus se ipsum exinaniens homo factus incarnatus est, cum esset Deus; et homo factus mansit, quod erat, Deus.... et quoniam hic Jesus Christus natus et passus est in veritate etc.

Saeculo item tertio Paulus Samosatenus haeresim proposit, cui altera Nestorii saeculo V<sup>o</sup> multis capitibus consona demonstrata est ab Eusebio postea Dorylaei Episcopo et Mario Mercatore Nestorii oppugnatoribus (Marii Mercator. Opp.ed. Garn. P. II. p. 17.18. cf. Garnerii dissertat. I. §. 3.). Paulus docuit quidem multa de Trinitate, a quibus Nestorius abhorrebat. Verbum dum est in Patre (*ἰδίως θεόν*) putabat ille, non distingui a Patre; dum autem ad extra protenditur (*πορφύρον*), esse sapientiam et virtutem Dei a Patre distinctam, quae vero non sit subsistens et hypostasis. Porro affirmabat, ut postea Photinus, Christum esse merum hominem, in quo tamen virtus illa et sapientia Dei, illud Verbum prolatum habitat; hinc personam Christi non existisset realiter ante Mariam, sed in sola praescientia Dei posse dici aeternam; denique Christum hominem alium esse,

(1) Duplicem et substantiam utramque in sua proprietate distantem et a duplice statum, sed in una persona agnoscit in mysterio Verbi incarnati; ordine inverso in mysterio Trinitatis hoc ipso libro cont. Prax. c. 2. docet et tres, unius autem substantiae, et unius status, et unius portestatis, quia unus Deus. »

et aliud esse Verbum ad ipsum protensus et in ipso inhabitan. Quoad ultimum hoc caput affinitas doctrinae cum Nestorianis certe negari non potest. « Samosatenus, inquit Athanasius (ep. ad Maxim. n. 3. T. I. P. II. p. 920), Christum hominem dicit, qui sit aliud a Verbo. » Vide etiam Athanas. cont. Apollin. I. II. n. 3.

Contra hanc ipsam Samosateni haeresim in epistola Episcoporum Concilii Antiocheni proponitur symbolum (1), in quo « omnes catholicae Ecclesiae consentiunt. » Doctrinae huius universalis capita sunt: a) « Filium Dei praedicari in veteri et novo Testamento non praedestination sed es- sentia et hypostasi Deum. » b) Probant multis testimo- niis utriusque Testamenti, Filium esse unum illum Deum, qui est Deus super omnia benedictus, qui est creator uni- versi, per quem Pater omnia creavit et non velut per instru- mentum neque velut per sapientiam, quae hypostasis non sit, sed quem genuit ut viventem virtutem et subsisten- tem, omnia in omnibus operantem; et esse Deum Abraham, Isaac et Iacob, qui patriarchis apparuit etc. c) « Hunc ipsum Filium, aiunt, per incarnationem hominem factum esse; quare illud ex Virgine corpus capiens corporaliter totam plenitudinem divinitatis, citra mutationem, divinitati unitum est et deificatum τηθετητι ἀτέρτως ἡντατι τεθετητι (2). » Igitur idem Deus et homo Jesus Christus praedictus est in legi et prophetis et creditus in Ecclesia, quae sub coelo est, universus; Deus quidem exinaniens se ipsum creditus est ex eo quod est aequalis Deo, homo autem et ex semine David secundum carnem (3).

(1) Est epistola inter Opp. Dionysii Alex. ed. de Magistris. et in Concil. Collect. Mansi T. I. 1033. Vide supra p. 72.

(2) « Etsi caro per se spectata pars sit rerum creaturarum, attamen corpus Dei facta est τὸν γένον τούτον Athan. ad Adelph. n. 3. T. I. p. 912. » *Dei Verbi facta est caro et non hominis alicuius* (cf. supra sym- bolum Epiphanius); hoc est Deus factus est homo. Idem cont. Apollin. I. I. n. 10. ib. p. 930. De defilectione inferius dicitur, interim vide Petav. I. IV. c. 9.

(3) Ita debet intelligi textus graecus ab interpretibus non rite trans- latus: δι χριστὸν ὁ αὐτὸς Θεός καὶ ἀνθρώπος Ἰησοῦς Χριστός...ἐν τῇ Ἑλλήσι

d) Quoniam Samosatenus aiebat, hunc *Christum* h. e. hanc personam quae homo est, non esse aeternam; Patres hoc sensu docent Christum « quatenus Christus est, » esse aeternum, ac proinde non esse alium qui est Deus aeternus, et alium qui est homo, sed hunc hominem Christum esse Deum aeternum (1).

Ex allatis regulae fidei declarationibus puto evidenter constare, eo quo diximus sensu, unitatem Iesu Christi Dei et hominis in symbolo expressam ab omnibus fidelibus fuisse agnitam et creditam, hancque esse manifestam ab Apostolis traditam omnium Ecclesiarum praedicationem.

II. Universalis et inde a primordiis rei christianae omnibus comperta fides in Iesum Christum eundem verum Deum, qui verus homo est, demonstratur ex criminationibus gentilium et Iudeorum una collatis responsionibus, quibus Christiani eos repellebant. Perpetua et eadem semper recantata tam gentilium quam Iudeorum obiectio adversus fidem christianam haec erat: « impium et stultum esse, Deum natum credere ex muliere et deum cruci affixum, nec posse Deum immutabilem hominem fieri ne mori immortalē; » ita Trypho apud Iustimum, Celsus Iudeorum et gentilium nomine apud Origenem, gentiles et Iudei generatim apud Tertullianum, Arnobium, Lactantium, quorum verba exscripta habes apud Maranum de divin. I. Ch. I. II. c. 2. nn. 1. 4-7; I. III. c. 2. n. 4. 6. 7; c. 3; c. 4. n. 1. 3. 6. 8.

τη ὥρᾳ τον οὐρανὸν πάτερ πεπονται θεος μὲν κενων; εἴσιτον ἀπὸ του εἰναὶ τοι οὐρανὸν; δι καὶ ἐκ σπερμάτος Δαῦδος το κατα σφρά.

(1) Hic est sensus verborum: εἰ δὲ Χριστός θεος δύναμις καὶ θεος σορία πρὸ αἰώνων ἦταν, οὐτος καὶ καθό Χριστός, οὐ καὶ το αὐτὸν τη οὐρανή, εἰ καὶ τα μελλούσα πολλαὶ ἵπταις ἴπνοισι τινοισι. « Si Christus Dei virtus et Dei sapientia est ante saecula, ita etiam quatenus Christus (subintellige: est ante saecula, i. e., haec persona quae homo est, est aeterna, quamvis non sit homo ab aeterno), cum sit unum et idem essentia, licet pleraque multis notionibus intelligantur » (h. e. Dei virtus et haec persona est idem re et essentia, quamvis alia sit notio virtutis Dei et alia Christi seu personae quae homo est).

Osterum Dei Filium tam incepisse esse *Christum*, cum coepit esse homo, claram est, de qua re vide Athanas. contr. Apollin. I. II. n. 2; Cyril. contr. Nestor. I. II. p. 37. Conf. Petav. I. XI. c. 8.

Eadem repetit auctor impii dialogi, qui « Peregrinus » inscribitur, n. 11. 13, et Julianus, cuius dictoria refert Cyrillus Alex. passim in libris contra ipsum Apostatam (1). Doctores vero christiani non solum non negant, Christianos hanc doctrinam profiteri, sed toti in eo sunt, ut ex divina revelatione, quae prophetis adimplitis et indubitate tam physici quam moralis ordinis miraculis confirmata est, demonstrent pliū, sanctum et verissimum, quod illi stultum et impium esse dicebant. Vide Maranum II. cc.

Vicissim ss. martyres secundum fidem christianam, in qua baptizati erant, quam quotidie publice exprimebant in symbolo, pro qua tuenda vitam et sanguinem profundebant, coram tyrannis profitebantur: « Filiū Dei, Verbum veritatis, qui vocatur I. Christus » s. Achatius; « Iesam Christum Filium Dei, cuius adventus praedictus a prophetis, cuius divinitas infinita » s. Iustinus; « Christum Deum crucifixum » s. Ignatius; « creatorem coeli et terrae, qui crucifixus est » s. Pionius; « sempiternum Dominum nostrum crucifixum et qui resurrexit, qui ineffabili mysterio homo pariter et Deus famulis suis tramitem immortalitatis instituit » s. Epipodius. Vide Maran. I. II. c. 4. Martyres itaque moriebantur pro fide conservanda, qua hominem Iesum crucifixum profitabantur Deum, et pro hac fide agone defunctos universus populus christianus in communī omnibus fide divina triumphatores praedicabat. Est ergo universalis inde ab Apostolis fides in Iesum Nazarenū, qui unus et idem Deus et homo sit, non solum pacifica symbolorum professione et solemnī doctrina sed cruentis etiam testimoniis manifestissima.

(1) Hic pertinet γεγραπτό; illa seu figura rudibus lineis efformata saeculo II. labente, quae a cl. P. Garrucci in ruderibus Palatii Caesarum reperta et praeclaro commentator illustrata nunc servatur in Museo Kircheriano. Sarvi palatini petulantia ad illudendum contubernali christiano inscriptam muro videre est imaginem hominis crucifixi, cui impie caput impositum assimilatum (cf. Tertull. Apol. c. 16; Mancunum Felicem in Octavio n. 9. 28. Gallandi II. p. 385. 397); pone adstat Christianus adorans habita ac gestu subiecta epigrafe: ΛΑΒΞΑΜΕΝΟΣ ΣΕΒΕΤΕ (ξεβέτε) ΘΕΟΝ (Vid. Il Crocifisso graffito in Casa dei Cosari ed il simbolismo crist. ecc. monumenti due dichiarati dal P. R. Garrucci Roma 1857).

THESES XIX.

*De eadem unitate ex modo, quo divina de hoc homine et humana de Deo Verbo praedicantur, et ex oppositione qua unitas ac distinctio docetur esse in Christo et in SS. Trinitate.*

\* Unitatem subiecti qua unus et idem est Deus et homo, ss. Patres a primo usque ad quartum saeculum unanimi consensu enuntiant tamquam veritatem apud Christianos exploratam; dum 1<sup>o</sup> velut concessum habent unius esse tam divina quam humana, et de Deo Verbo post incarnationem praedicari, quae non possunt esse nisi veri hominis, sicut vicepsim de hoc nomine attributa Dei Verbi praedicantur. Eandem unitatem 2<sup>o</sup> definit, quando declarant, unitatem et distinctio nem quae est in Christo, collata cum unitate et distinctione in SS. Trinitate velut ordine inverso se habere.

I. Non est nobis animus Patrum vel omnium vel plerorumque sententias excipere, quibus prior pars theseos demonstratur; nullus enim est, qui ea quae dicimus, data opportunitate non doceat diserte. Paucia ex Patribus antiquissimis adtulisse sufficiet, quorum plerique citra scopum polemicum, quando Iesus Christi meminerunt, eundem qui Deus est, hominem esse docent, et hunc hominem ipsum praedicant Deum ita, ut ex ipsa simplicitate enuntiationis appareat, eos non aliud dicere quam quod sua aetate fideles omnes noverunt, et non alio uti locutionis modo quam communi omnibus fidelibus, non alia lingua, si ita dicere fas est, quam Ecclesiae totius. Ita s. Clemens Romanus ad Cor. ep. I. n. 2. appellat passionem Dei (1), et ad Cor. ep. II. n. 9. unum Christus Dominus, inquit, primum existens spiritus, factus est caro. \* S. Barnabas ep. c. 5: « Dominus sustinuit pati pro anima nostra, cum sit orbis terrarum Dominus, cui dixit (Pater) die ante constitutionem saeculi: faciamus hominem etc.; et ib. n. 14. ait, Dominum qui legem dedit Moysi, passum esse pro nobis. Ignatii epistolae referatae sunt huiusmodi sententiis: « Deus parturiebat (ἐκυρορηθῆναι) a Maria» ad Ephes. n. 18; appellat « passionem Dei » ad

(1) Τοις ἔργοις των θεού ἀρχομένοι... καὶ τα παθήματα αὐτοῦ ἡ προσφέλματος ὑμῶν.

Rom. n. 6, « sanguinem Dei » ad Ephes. n. 1. « Amor meus, exclamat ad Rom. n. 7, crucifixus est ὁ Ἰησος ἐπειδὴν ἐστερηθῆναι. Similiter Melito: « Deus passus est a manu Israelitica », Galland. T. I. p. 679. Conferatur etiam Hermae Pastor l. III. similitud. 9. n. 12. 14; et epistola ad Diognet. n. 11.

Praeter huiusmodi incidentes sententias doctrina copiosior est apud eosdem Patres primae et secundae successionis, quando respiciunt iam haeresim aliquam, ut Melito l. c. ubi ait: « simul existens Deus et homo perfectus ipse idem duas suas essentias (τις δύο κύρου εὑρίσκεται) demonstravit nobis, alteram divinitatem... alteram humanitatem » (1). Ignatii locus est notissimus ep. ad Ephes. n. 7: « unus est medicus carnalis et spiritualis, factus et non factus, in carne natus Deus (ἰν σαρκὶ γενομένος θεός), in morte vita vera, tum ex Maria tum ex Deo, prius passibilis dein (post resurrectionem) impossibilis Iesus Christus Dominus noster. » His gemina habet Ignatius ad Polycarp. n. 3; Iustinus dial. cum Thryp. n. 100. 105. Luculentissime haec praedicant Irenaeus, Tertullianus (supra th. XVIII), Hippolytus cont. Noet. n. 15. 17. 18 (Galland. T. II. p. 463), Clemens Alex. cohort. ad Gracce. p. 66; Patres subsequentes Athanasius, Nazianzenus, Nyssenus et reliqui diu ante Nestorianae tempore integris disputationibus.

II. Est apud Patres admodum frequens is modus explicandi unitatem naturae et distinctionem personarum in Deo, ut dicant non esse in Deo aliud et aliud, esse tamen aliud et aliud secundum illud Christi: « ego et Pater unum sumus. » Quatenus scilicet est et consideratur habens naturam, is qui habet, alias est Pater, et alias Filius, non tamen alia est essentia seu natura Patris et Filii; et dum quaevis sit Pater et Filius (τοις δὲ ταῖς εἰδης ut appellant essentiam), non sunt aliud et aliud, sed unum *Esse*

(1) Locus hic Melitonis citatur ab Anastasio Sinaita, nec vero tutum est ob concipiendi et enunciandi claritatem ac distinctionem cum quibusdam criticos genuinitatem continuo in dubium vocare. — Scripsit Melito etiam librum περὶ ἴντερον θεοῦ, de quo titulo non una est hominum eruditorum sententia. Vide Petav. de Deo l. II. c. 1. n. 4.

absolutum. Quare si in comparatione eum distinctione, qua in Deo aliis et alias est ac dicitur, in Christo, Deo-homine ordine inverso negatur esse alius et alias, et affirmatur unus esse aliud et aliud; eo ipso qui habet naturas, evidenter affirmatur esse unus, et evidenter ubi quaeritur, quid sit secundum naturam et essentiam (το τι νιν είναι), ille unus docetur esse Deus per suam naturam divinam, et simul esse homo per suam naturam humanam. Atqui Patres gravissimi revera hae utuntur comparatione sive antithesi, ut unitatem eius qui Deus et homo est, ac naturarum eiusdem distinctionem unius ab altera et consequenter diversitatem contra haereticos eo efficacius exprimant, et omnes tergiversationes de sensu, quo unitas a Catholicis credenda sit, praecidant. De Tertulliano qui hanc antithesin inter unam et alteram rationem unitatis ac distinctionis re potius quam explicitis verbis instituit, vide superius p. 146. Gregorius Naz. ep. 101. quae est 1<sup>a</sup> ad Cledon. (T. II. p. 85. ed. Maur.) allegata in Concil. Ephes. (Mansi T. IV. p. 1191. et in Concil. V<sup>o</sup> in profess. Iustiniani T. IX. p. 551), ita loquitur: « si quis duos Filios alterum ex Deo Patre, alterum ex matre induxerit et non unum eundemque, excidat ab adoptione filiorum; ... naturae namque dueae Deus et homo, sicut etiam anima et corpus (1), non vero duo Filii neque Dii, nam neque hic (in composito ex anima in corpore) duo homines, licet Paulus interius et exteriorius hominis dixerit. Et si oportet compendio dicere: aliud quidem et aliud sunt illa ex quibus est Salvator, neque enim eadem res est visible et invisible, aeternum et temporale.

(1) Novus editor Opp. Nazianz. offensus hac comparatione unionis hypostaticae cum unione animae et corporis in unam naturam, vertit hanc locum in sensum longe alium: « qui quidem homo (Christus) et anima est et corpus; » altera enim interpretatio, quam nos praeferrimus, « falsum sonat, » ut ipsa arbitratur. At verba φυσις περ γηρ δω δεος; καν ἀνθρωπος, ιται καν φυλη, καν σωμα, πλοι δι ον δεος, οδος γηρ ενταθη δω ανθρωποι κ. λ., necessario eum sensum habent quem expressimus, quia secus alterum membrum: « neque hic duo homines » etc., non haberet, quo referetur. Ita locus Nazianzeni etiam intellectus est in Concil. V<sup>o</sup> in professione fidei Iustiniani Mansi IX. p. 551. De illa comparatione vero alibi dicemus; interim vide Petav. I. III. c. 10.

rium; non tamen est aliud et aliud, absit! ambae enim res intima unitione (τυγχανει) unum sunt (videlicet unum substantium, unus), quia Deus homo factus est, homo vero deificatus, aut quoquomodo quis dicere velit. Dico autem aliud et aliud contra ac in Trinitate est; ibi enim aliud et aliud, ne hypostases confundamus, non autem aliud et aliud; tria enim (tres hypostases) unum ac idem sunt divinitate. » De loco insigni Athanasii cont. Apoll. 1. I. n. 12. paulo post thesi sequenti dicemus.

#### THESES XX.

*De ontologica unitate Christi secundum doctrinam Patrum ante haeresim Nestorianam, et de propria notione unionis humanae naturae cum Verbo.*

« Ex antecedentibus constat, unionem humanae naturae factam cum Verbo et unitatem inde constitutam Christi Dei-hominis esse substantiam non solam ratione terminorum substantialium, sed formali, quia substantiae ipse in se non autem secundum aliquod accidentem uniuersit, ita ut Verbum ipsum subsistens et secundum naturam aeternam Deus, unus et idem per substantialiem naturam in tempore assumptam sit homo. Hanc unionis rationem 1<sup>a</sup> Patres diu ante Nestorianam haeresim modis loquendi efficacissimis declararunt, quae formulis aduersus Nestorium consecratas *unionis secundum hypostasim* et *unionis physicae* omnino aequipollentes sunt, immo nec haec ipsae apud PP. vetustiores penitus desiderantur; 2<sup>a</sup> ad intelligentiam vero aliquam distinctionem potissimum facit frequens in Concilii et Patribus declaratio huius unionis, quod Verbum humanam naturam in se formando assumpsit, suam fecit sibiique propriam. »

Unitio substantiva, οὐτωδης, κατ οὐσιαν, κατ φυσιν, ut a Patribus appellatur, dicitur a) ratione terminorum, qui unitur, et qui sunt substantiae. At hac ratione *unitio substantiva* i. e. substantiarum potest esse, quin *unitas substantiva* inde existat, sicut Spiritus Sanctus secundum substantiam (οὐτωδης) unitur filii adoptivis, et sicut Nestorius ipse admittetur coniunctionem Verbi cum homine Iesu. Termini igitur substantiales requirunt sed non sufficient, ut *unitio formaliter* non autem solum materialiter (secundum ea quae uniuersit) sit et dici possit *substantiva*, et ut *unitas ipsa* existat *substantialis*. Ad hoc enim b) requiri-